

ՆԱԶԱՐ.– (Կեղծ գործնական եւ հասարակ:) Լսիր: Ուստիան, մի քիչ թագաւորական գործ ունիմ, գնա միւս օթախը:

ՌԻՍՏԻԱՆ.– Մե՛ղա: Սիրուն կնիկները ներս ամ՝ թէ «թագաւորական գո՞րծ ունեմ»: Էս եղաւ թագաւորական գո՞րծ:

ՆԱԶԱՐ.– Էդպէ՛ս է, Ուստիան խանում, Էդպէ՛ս է:

ՌԻՍՏԻԱՆ.– Ի՞նչն է Էդպէս: Էնպէս ես խօսում, կարծես թէ Էստեղ թագուհի չեմ, իրաւունք չունեմ:

ՆԱԶԱՐ.– (Սրտնեղ) Թագուհիները պիտի գան: Տերութեան գործ ունիմ, մի ուշացնի: Գնա միւս օթախը: (Լռութիւն: Նազարը սպասում է, որ Ուստիանը գնա: Մենեկապետը նայում է վարագոյրի ճեղքից: Նազարը տեսնում է այդ ու հազում:)

ՌԻՍՏԻԱՆ.– (Նոր շարժումով) Ի՞նչ եմ ասում, Նազար, ես ըլեմ աշխարհիքի ազնիւ թագուհի:

ՆԱԶԱՐ.– Չես կարող:

ՌԻՍՏԻԱՆ.– Կարող եմ:

ՆԱԶԱՐ.– Չէ, չէ՛:

ՌԻՍՏԻԱՆ.– Է, լաւ, ի՞նչ տեսակ բան է, որ չեմ կարող:

ՆԱԶԱՐ.– (Երգում է քթի տակ, կիսատ) Ա՛ման, ա՛ման այ ջաա՛ան: (Ուստիանին) Ծանդր բան է թագաւորական գործը, ծանդր... (Մենեկապետին) Է՛յ, գեադա՞: (Մենեկապետը ներս է գալիս) Գնա մի քիչ անուշ ջուր բեր, փչի վրաս: (Մենեկապետը դուրս է վազում:) Է՛հ... (Շինծու թթուած ձեւով) Աշխարհք թափուել է վրաս: Հա՛ խեղճ տուր, հա՛, քաջութիւն բանացրու, հա՛ ես արա, հա՛ ես արա: Տնաշէններ, մի մենակ թողե՛ք՝ խելքս գլուխս գայ: (Մենեկապետը վազելով ներս է գալիս սպասաւորների հետ, որ փչում են անուշահոտ ջրերը եւ շտապով հեռանում:)

ՌԻՍՏԻԱՆ.– Լաւ, Էդ որ ուրիշների ես բերում, Էլ ես սագական թագուհի չե՞մ :

ՆԱԶԱՐ.– (Լեզուն ծըպացնելով) Ծը՛:

ՌԻՍՏԻԱՆ.– Ինչի՞ համար:

ՆԱԶԱՐ.– Էնդուր:

ՌԻՍՏԻԱՆ.– Չէ, ասա մի տեսնենք ինչի՞ համար:

ՆԱԶԱՐ.– Ես ազնիւ ցեղից կնիկ պիտի առնեմ, որ ցեղս իսկը ազնուանայ:

ՌԻՍՏԻԱՆ.– Բա Էդ անելու բան է, որ անում ե՞ս:

ՆԱԶԱՐ.– Մենք անող ենք, Ուստիան խանում: